



## Inatsisartut

*Aningaasaqarnermut Ataatsimiititaliaq  
Finansudvalget*

Ulloq/Dato: 22. juni 2010  
J.nr.: 01.31.06/10-00479

### Aningaasaqarnermut Naalakkersuisoq

**Aningaasaqarnermut Ataatsimiititaliap suliaq nr. 01.31.06/10-00479 pillugu pingasunngornermi ulloq 16. juni 2010-mi aalajangiineranik Naalakkersuisunut ilisimatitsineq.**

**2010-mi aningaasanut inatsimmi kontomi pingaarnermi 40.01.99-imi, Missingersuutinut iluarsiissutinut tunngasumi, missingersuutinut iluarsiissutit piviusunngortinnissaannut siunnersuut nutaaq**

Naalakkersuisut **inassutigaa**,

- konto pingaarnermi 40.01.01-mi, Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmum tunngasumi, aningaasaliissutit 260.000 kr.-inik ikilineqassasut
- konto pingaarnermi 40.02.01-mi, Ilinniagaqarner siuteqartitsivimmi aqutsinermit aammalu ilinniartut ineqarfiisa allaffeqarfiannut tunngasumi, aningaasaliissutit 138.000 kr.-inik ikilineqassasut
- konto pingaarnermi 40.90.01-imi, Ilinniartitaanermut aqutsisoqarfimmum tunngasumi, aningaasaliissutit 202.000 kr.-inik ikilineqassasut
- konto pingaarnermit 40.90.09-mi, Pilersuiffimmi assiliartalersuisarfimmum naqitagassalerivimmullu tunngasumi, aningaasaliissutit 7.000 kr.-inik ikilineqassasut
- konto pingaarnermi 40.12.34-imi, Ilinniarnertuunngorniarfimmum tunngasumi, aningaasaliissutit 100.000 kr.-inik ikilineqassasut
- konto pingaarnermi 40.91.02-mi, Siunnersuisartunik ilinniartitsinermit tunngasumi, aningaasaliissutit 11.000 kr.-inik ikilineqassasut
- konto pingaarnermit 40.91.05-imi, Iluarsartuussinermit ilinniartitaanermit tunngasumi, aningaasaliissutit 24.000 kr.-inik ikilineqassasut
- konto pingaarnermi 40.91.06-imi, Ilinniartitsisunik ilinniartitseqqittarnermit tunngasumi, aningaasaliissutit 6.000 kr.-inik ikilineqassasut
- konto pingaarnermi 40.91.07-mi, Center for Arktisk Teknologimut tunngasumi, aningaasaliissutit 24.000 kr.-inik ikilineqassasut
- konto pingaarnermi 40.91.08-mi, Inuussutissarsuutinut ilinniartitaanerit ataani ilinniarnertuunngorniarfimmum tunngasumi, aningaasaliissutit 212.000 kr.-inik ikilineqassasut
- konto pingaarnermi 40.92.11-mi, Eqqumiitsuliornermik Ilinniarnertuunngorniarfimmum tunngasumi, aningaasaliissutit 5.000 kr.-inik ikilineqassasut

- konto pingaarnermi 40.92.13-mi, Ilimmarfimmum tunngasumi, aningaasaliissutit 426.000 kr.-inik ikilineqassasut
- konto pingaarnermi 40.92.14-mi, Ajoqissanik organistinillu ilinniartitsinermum tunngasumi, aningaasaliissutit 7.000 kr.-inik ikilineqassasut
- konto pingaarnermi 40.92.15-mi, Ilagiit højskoliannum tunngasumi, aningaasaliissutit 5.000 kr.-inik ikilineqassasut
- konto pingaarnermi 40.92.16-mi, Perorsaanermik Ilinniarfimmum aamma Oqaasileriffimmum tunngasumi, aningaasaliissutit 118.000 kr.-inik ikilineqassasut
- konto pingaarnermi 40.94.11-mi, Nunatta Atuagaateqarfianum tunngasumi, aningaasaliissutit 48.000 kr.-inik ikilineqassasut
- konto pingaarnermi 40.94.12-mi, Nunatta Katersugaasivianum tunngasumi, aningaasaliissutit 28.000 kr.-inik ikilineqassasut
- konto pingaarnermi 40.94.17-mi, Kalaallit Nunaata Radiuanum – KNR-imum tunngasumi, aningaasaliissutit 209.000 kr.-inik ikilineqassasut
- konto pingaarnermi 40.94.18-mi, Kulturip Illorsuanum Katuamum tunngasumi, aningaasaliissutit 16.000 kr.-inik ikilineqassasut
- konto pingaarnermi 40.97.01-mi, Biskopip allaffianum tunngasumi, aningaasaliissutit 10.000 kr.-inik ikilineqassasut
- konto pingaarnermi 40.97.02-mi, Danmarkimi ilagiinnik sullissinermum tunngasumi, aningaasaliissutit 4.000 kr.-inik ikilineqassasut
- konto pingaarnermi 40.97.03-mi, Kalaallit Nunaanni ilagiinnum tunngasumi, aningaasaliissutit 140.000 kr.-inik ikilineqassasut
- konto pingaarnermi 40.01.99-mi, Missingersuutinum iluarsuutinum tunngasumi, aningaasaliissutit 2.000.000 kr.-inik amerlineqassasut.

### **Aningaasaqarnermut Ataatsimiititaliap oqaaseqaatai**

Kultureqarnermut, Ilinniartitaanermum, Ilisimatusarnermut Ilageeqarnermullu Naalackersuisoqarfiup kontomi pingaarnermi 40.01.99-mi (Suliaq nr. 01.31.06/10-475) missingersuutit ikilissutaannum iluarsuutit piviusunngortinneqarnissaat pillugu Naalackersuisut aningaasaliissuteqarnissamik qinnuteqaataat siulleq ulloq 18. maj 2010-mi Aningaasaqarnermut Ataatsimiititaliamit itigartinneqarpoq. Aningaasaliissuteqarnissamik qinnuteqaammik nutaamik Naalackersuisoqarfik maanna nassiuussivoq. Isummernissamum tunngavissiami matumani tusarniaaneq pillugu immikkoortumi imatut allassimasoqarpoq:

*”Naalackersuisut Aningaasaqarnermut Ataatsimiititaliamum tunngavissiaat siulleq AN-imum saqqummiunneqarsimavoq oqaaseqaatillu tassannganneersut ilassutitut aningaasaliissutinik qinnuteqaammum ilanngunneqarsimapput. Taamatuttaaq Naalackersuisut isummernissaannum tunngavissiaq iluarsisat AN-mi suliarineqarpoq oqaaseqaatillu tassannganneersut ilanngunneqarput.”*

Tamanna malillugu inernilunneqartariaqarpoq Missingersuusiornermum malittarisassani najoqqutarisassat naapertorlugit isummernissamum tunngavissiaq suliarineqarsimasoq. Isummernissamulli tunngavissiap tusarniaassutigineqarsimanera ilumuunngilaq, tamannalu Aningaasaqarnermut Naalackersuisumit allakkatigut 16. juni 2010-meersutigut immikkut nalunaarutigineqarpoq.

Qinnuteqaat Missingersuusiornermum malittarisassanik sanioqqutsinermik kinguneqassappat Aningaasaqarnermut Ataatsimiititaliamum aningaasaliissuteqarnissamik qinnuteqaatinum ilanngullugu allakkiami tamanna siunissami Naalackersuisunit (Qasigiannuani suliamit

misilittakkat tunngavigalugit) ilisimatitsissutigineqartalissasoq Aningaasaqarnermut Naalakkersuisuusimasoq ulloq 23. marts 2009-mi Aningaasaqarnermut Ataatsimiititaliamut allappoq. Maanna Naalakkersuisunut ilaasortap neriorsuummik pisussaaffeqartutut imminut naatsorsuuttoq, taamaalillunilu tamatuma naalakkersuisoqarfimmi malinneqarnissaa qulakkeerniassagaa Aningaasaqarnermut Ataatsimiititaliap ilimagaa. Taamaattoqanngippat aalajangersimasumik ilisimatinneqartarnissani Aningaasaqarnermut Ataatsimiititaliap naatsorsuutigaa.

Missingersuusiornermut malittarisassat Siulittaasup Allattoqarfiata kaajallaasitaanik 1. juni 2010-meersumik tapertalerneqarpoq. Kaajallaasitami § 8, imm. 1 ima oqaasertaqarpoq:

*”§ 8. Aningaasaqarnermut Naalakkersuisoqarfimmit tusarniaanermut akissutit tamarmiusut Naalakkersuisut isummernissaannut tunngavissiami tamatigut ilaatinneqassapput.”*

Tamatuma kingorna aalajangersakkami siuliani issuarneqartumi imm. 1 tunngavigalugu naatsorsuutigineqartariaqartoq Aningaasaqarnermut Ataatsimiititaliap isummernissaannut tunngavissiaq ilanngunneqarsimasoq imaluunniit Aningaasaqarnermut Naalakkersuisoqarfiup tusarniaanermut akissutaa tamakkiisumik issuarneqarsimasoq, taamaanngippat Aningaasaqarnermut Ataatsimiititaliap isummernissaannut tunngavissiornissamut Naalakkersuisut immikkut periuseqalersimassapput.

Ataatsimiititaliap aalajangernissaannut Naalakkersuisut isummernissamut tunngavissiamik piareersaanerminnut atatillugu najoqqutarisassat pisortatigoortut maleruagassallu tamakkiisumik malinneqarnissaat Aningaasaqarnermut Ataatsimiititaliap pingaartippaa. Tamanna pingaartumik periutsit pineqartut Aningaasaqarnermut Ataatsimiititaliap aningaasaliissuteqarnissamik qinnuteqaatinik tamakkiisumik naliliinissamut periarfissaannut pingaarutilinnut atuuppoq.

Naalakkersuisut isummernissaannut tunngavissiap pineqartup suliarineqannginnerani (suliarineqareerneraniluunniit) Naalakkersuisoqarfik Aningaasaqarnermut Naalakkersuisoqarfimmik isumasiuereerluni Naalakkersuisut isummernissaannut tunngavissiamik naammassineqareersumik Aningaasaqarnermut Naalakkersuisoqarfimmut tusarniaassutigalugu nassiussinissaq pisariaqanngitsutut pisariaqanngitsumillu kinguarsaataasutut naalakkersuisoqarfimmit isigineqarsinnaagunarpoq. Taamaattorli missingiusiaq naammassineqartoq Aningaasaqarnermut Naalakkersuisoqarfimmut saqqummiunneqanngippat kukkunerit amigaatillu paasineqanngitsooratarsinnaapput. Aningaasaqarnermut Ataatsimiititaliap ilassutit aningaasaliissuteqarnissamik qinnuteqaatinik suliarinninneranut atatillugu ajornartorsiuteqartoqarsinnaanera pitsaassutsumik nakkutilliinerup ajorseriarnerata annertusiseratarsinnaavaa. Tamatuma saniatigut Aningaasaqarnermut Naalakkersuisoqarfimmit tusarniaanermut akissut pissarsiarineqanngippat Aningaasaqarnermut Naalakkersuisoqarfiup uparuaasimanersoq taakkulu iluarsineqarsimanersut misissornissaannut Aningaasaqarnermut Ataatsimiititaliap periarfissaarusaaq.

Taamaalilluni Missingersuusiornermut malittarisassat aammalu Naalakkersuisut kaajallaasitaanni pisortatigoortumik piumasaqaatit periutsillu pitsaassutsumik nakkutilliinissamut aalajangiinissamullu tunngavissaqarnissamut annertuumik pingaaruteqarput kiisalu Aningaasaqarnermut Ataatsimiititaliap nammineq piumasaqaataanut naapertuuttuullutik.

Taamaakkaluortoq ilaatigut Missingersuusiordermut inatsimmi Missingersuusiordermut malittarisassani aammalu Naalakkersuisut iluminni kaajallaasitaanni 1. juni 2010-meersumi piunasaqaatinik kiisalu Aningaasaqarnermut Ataatsimiititaliap nammineq piunasaqaataanik piunasaqaatinik pisortatigoortunik suliamik piareersaaneq eqquutsitsinngitsoq suliami pineqartumi ersarippoq. Tamanna tunngavigalugu suliami maannangaaq aalajangermissani Aningaasaqarnermut Ataatsimiititaliap kissaatiginngilaa.

Taamaattumik ataatsimiititaliap kissaatigaa:

1. isummernissamat tunngavissiaq Aningaasaqarnermut Naalakkersuisoqarfimmut pisortatigoortumik tusarniaassutigalugu nassiunneqassasoq.
2. tusarniaanermut akissut Aningaasaqarnermut Ataatsimiititaliamut nassiunneqassasoq.
3. Naak Missingersuusiordermut malittarisassani aammalu Naalakkersuisut ataatsimiittarneri il.il. pillugit Naalakkersuisut iluminni kaajallaasitaanni aalajangersakkat aalajangersimasut paasisat malillugit tamakkiisumik malinneqarsimanngikkaluartut sooq suliaq aalajangersimasoq Aningaasaqarnermut Ataatsimiititaliamut nassiunneqarsinnaasimanersoq pillugu Naalakkersuisunut ilaasortaq sukumiisumik nassuiaateqassasoq. Tassunga ilanngullugu piareersarnerup nalaani malittarisassani taaneqartuni aalajangersakkanik sanioqqutsinissamat pisortatigoortumik akuersissuteqartoqarsimanersoq taamaattoqarsimappallu suna tunngavigineqarsimanersoq paasissutissiisutigineqassasoq kissaatigineqarpoq.
4. aningaasaliissuteqartarnermut maleruqqusat najoqqutarisassallu, tassunga ilanngullugu Missingersuusiordermut malittarisassat siunissami tamakkiisumik malinneqartarnissaat qanoq qulakkeerniarneqarnersoq Naalakkersuisunut ilaasortamit nassuiaatigineqassasoq.

### **Aningaasaqarnermut Ataatsimiititaliap aalajangiinera**

Siuliani oqaatigineqartunut Naalakkersuisut akissuteqarnissaasa utaqqineqarnissaa siunertaralugu Naalakkersuisut inassuteqaataannut isummernissani Aningaasaqarnermut Ataatsimiititaliap **kinguartippaa**. Naalakkersuisut akissutaat kalaallisut danskisullu ima siusitsigisukkut nassiuteqquneqarpoq Aningaasaqarnermut Ataatsimiititaliap tullianik ulloq 30. juni 2010-mi ataatsimiinnerani suliarineqarsinnaaqqullugu. Qarasaasiakkut nuutinera uunga nassiunneqassaaq: [nch@ina.gl](mailto:nch@ina.gl).

Aningaasaqarnermut Ataatsimiititaliap sinnerlugu

Naaja Nathanielsen  
Aningaasaqarnermut Ataatsimiititaliami siulittaasoq